

CAPUT OCTAVUM.

DE PRÆSENTIA PAROCHI ET TESTIUM.

Caput istud, omnium iudicio maximi momenti, in septem articulos dividemus : 1^{us} erit de clandestinitate ; 2^{us} de decreto Conc. Trid. contra clandestinitatem ; 3^{os} de promulgatione illius decreti ; 4^{us} de ejus obligatione ; 5^{us} de præsentia parochi ; 6^{us} de iis qui præsentiam parochi supplere possunt, et 7^{us} de præsentia testium.

ARTICULUS PRIMUS.

DE CLANDESTINITATE.

Clandestinum in genere idem sonat ac occultum ; ideo matrimonium clandestinum illud est quod, per oppositionem ad publicitatem, clam contrahitur, aut qualitatibus ad publicitatem requisitis caret : illæ autem qualitates sunt : 1^o præsentia testium : 2^o proclamatio bannorum ; 3^o consensus parentum : 4^o præsentia parochi ; 5^o benedictio nuptialis.

Attamen nunc passim apud auctores, matrimonium clandestinum simpliciter illud intelligitur quod præsentia parochi et testium caret.

Jam probavimus defectum proclamationum et consensus paterni reddere quidem matrimonium illicitum, non vero invalidum, juxta jus canonicum.

Certum est 1^o benedictionem nuptialem semper fuisse usitatam, etiam in primis Ecclesiæ sæculis : patet ex textibus a nobis jam allatis, p. 202, et ex aliis monumentis quæ legi possunt apud *Benedictum XIV*, de Synodo dicæs., l. 8, cap. 12, n. 3.

Certum est 2^o matrimonia Christianorum occulta, sine benedictione sacerdotali celebrata, semper fuisse odiosa

Ecclesiæ, ab ipsa prohibita, ac proinde graviter illicita, ut *Benedictus XIV* evidenter probat in loco citato, tum ex his verbis *Tertulliani*, l. de Pudicitia, c. 4 : « Ideo » penes nos occultæ quæque conjunctiones, id est, non » prius apud Ecclesiam professæ, juxta mœchiam et for- » nicationem judicari periclitantur ; » tum ex aliis tex- » tibus Patrum, conciliorum et juris canonici, tum ex con- » cilio Tridentino, attestante Ecclesiam hæc matrimonia » semper detestatam esse et prohibuisse.

3^o Longe ante Concil. Trident. requirebatur præsentia parochi et testium ad celebrandas nuptias : « Prius con- » veniendus est sacerdos in cuius parochia nuptiæ fieri » debent in ecclesia coram populo : » hæc verba leguntur in Capitularibus regum Francorum a *Baluzio* collatis, t. 1.

4^o An vero ista parochi et testium præsentia necessaria fuerit, ante Concil. Trident., ad validitatem matrimonii, non ita constat. Gravis hac de re exorta est controversia inter patres et theologos concilii, ut referunt *Pallavic.*, lib. 22, cap. 4, et *Benedictus XIV*, de Synodo dicæs., lib. 8, cap. 12, n. 4 et seq. Post allatas et libratas hinc et inde rationes, prodiit decretum de quo statim dicendum est.

ARTICULUS SECUNDUS.

DE DECRETO CONCILII TRIDENTINI CONTRA

CLANDESTINITATEM.

Non obstante prohibitione Ecclesiæ multa fiebant ma- trimonia clandestina, quorum existentia probari non poterat, et inde non raro contingebat quod idem homo, relicta prima uxore, aliam duceret et cum ea in perpetuo adulterio viveret, vel, post inita matrimonia, Ordines sacros impune susciperet. Quesitum est medium, in con- cilio Tridentino, tanto occurrendi malo.

Post multas disceptationes in plurimis congregationi- bus habitas, relicta quæstione de validitate matrimonio- rum antea sine præsentia sacerdotis et testium contracto-

rum, editum est decretum sequentibus verbis expressum,
sess. 24, cap. 4 de Reform. Matrim.

« Tametsi dubitandum non est clandestina matrimonia,
» libero contrahentium consensu facta, rata et vera esse
» matrimonia, quandiu irrita Ecclesia non fecit, et proinde
» jure damnandi sint illi, ut eos sancta Synodus anathema-
» mate damnat, qui ea rata ac vera esse negant... Qui
» aliter quam praesente parocho, vel alio sacerdote, de ip-
» sius parochi seu Ordinarii licentia, et duobus vel tribus
» testibus, matrimonium contrahere attentabunt, eos
» sancta Synodus ad sic contrahendum omnino inhabiles
» reddit, et hujusmodi contractus irritos et nullos esse
» decernit, prout eos praesenti decreto irritos facit et an-
» nullat. »

Clariora sunt hujus decreti verba, ut explicatione indegant : certum est ergo matrimonia clandestina, id est, sine parocho et testibus celebrata, vi ecclesiasticae illius legis non tantum prohibita et illicita esse, sed irrita atque nulla ratione ipsius contractus, ac consequenter ratione sacramenti. Ne valent quidem ut sponsalia : ita docet *Benedictus XIV*, Inst. 46, n. 23, constanti declaratione sacræ Congregationis Concilii, et unanimi theologorum ac canonistarum consensu innixus.

ARTICULUS TERTIUS.

DE PROMULGATIONE DECRETI CONCILII TRIDENTINI CONTRA CLANDESTINITATEM.

Duo hic examinanda sunt, scilicet necessitas et factum promulgationis.

De necessitate promulgationis decreti concilii Tridentini contra clandestinitatem.

Cum pares, decreto concilii repugnantes, objicerent ha-
reticos ei non obtemperaturos, ac proinde cuncta matrimo-
nia inter eos futura esse nulla et omnem prolem illegiti-

mam, ad praecavendum hoc incommodum, statutum est, sub fine ipsius decreti, illud vim non habiturum, nisi post triginta dies a die promulgationis : « Decernit insu-
» per (sancta Synodus) ut hujusmodi decretum in una-
» quaque parochia suum robur post triginta dies habere
» incipiat, a die primae publicationis in eadem parochia
» factæ numerandos. »

Quacumque igitur de causa omissa fuerit promulgatio, sive culpabiliter, sive inculpabiliter, nullam vim habet præfatum decretum : in illis ergo locis eodem modo habenda sunt matrimonia clandestina quo habebantur ante concilium Tridentinum : porro quamvis Ecclesia ea semper detestata fuerit, moraliter tamen certum est ea fuisse valida : ergo etiam nunc valida sunt. At sedulo curandum est ut, juxta votum ac præceptum Ecclesiae, sacerdotali benedictione sanctificantur.

Promulgatio non injungitur per regna aut provincias ecclesiasticas, neque per dioeceses, sed per parochias : unde fieri potest ut illud decretum robur obtineat in una parochia et non in altera ejusdem dioecesis, vel ejusdem civitatis, v. g., si haeretici habuerint eo tempore parochiam a catholicis separatam, et decretum publicatum fuerit apud catholicos, non vero apud ipsos; *Dens*, t. vii. Nec sufficeret statutum dioecesanum verbis concilii accommodatum, præsentiam parochi et testium sub pena nullitatis præscribens, et in cunctis ecclesiis denuntiatum, nisi auctoritate summi Pontificis muniretur, quia episcopus non habet potestatem impedimentum dirimere, statuendi, et aliunde synodale statutum sic efformatum, non est ipsum Concilii decretum. Eo sensu respondit S. Cong. Conc. die 2 decembris 1628, ad constitutiones synodi provincialis Ruthenæ, et Urbanus VIII eam decisionem approbavit die 20 martii an. 1629; *P. Antoine*, t. vi.

Diximus nisi auctoritate summi Pontificis muniretur, quia summus Pontifex vim irritandi matrimonium huic statuto annectere potest.

Nec tamen necesse est ut publicatio dicti decreti totis

verbis facta fuerit; ubi lex ipsa recepta est tanquam decretum Concilii et observatur, sufficienter promulgata censetur; *Dens*, et card. *Zelada* nomine *Pii VI*, ad episcopum Lucionensem, die 28 maii 1793, respondens.

De facto promulgationis decreti concilii Tridentini.

Certum est illud non fuisse promulgatum in regionibus, eo tempore quo latum est hæresi dominanti subjectis, ut in Anglia, Suevia, Saxonia, Dania et pluribus Germaniae et Helvetiae partibus.

In plerisque autem ecclesiis catholicis tunc exstantibus paulo post fuit denuntiatum, juxta ipsius tenorem, et vim cœpit habere.

Sola difficultas ex parte Gallia se tenet; cum enim de creta concilii Tridentini plurimis in punctis consuetudinibus nostris adversentur, nunquam reges nostri, licet saepè ab episcopis rogati, permettere voluerunt ut ea solemniter publicarentur in regno atque vim legis pro foro externo haberent. Attamen edictum regium Blesense, an. 1579, statuit matrimonia sine parocho et quatuor testibus celebrata habenda esse ut nulla. Ludovicus XIII et Ludovicus XIV eamdem dispositionem renovaverunt ac confirmarunt. Hinc matrimonia clandestina, ubique proscripta, in Gallia habita sunt nulla.

Verum Tabaraud aliique ei similes contendunt nullitatem hujusmodi matrimoniorum non ex decreto concilii Tridentini, sed ex edictis regum repetendam esse. Huc cum illæ antiquæ leges civiles non amplius existant, inferunt matrimonia clandestina, servatis conditionibus lege civili præscriptis, esse valida: matrimonia igitur civiliter tantum contracta, vera et legitima esse ratione contractus, ac proinde, tuta conscientia, in eis manere licere.

Hæc autem assertio prorsus erronea est; nam 1º episcopi curaverunt ut illud decretum in diocesis suis admitteretur; 2º de facto ubique nunc admissum est in Gallia; 3º ad instantiam principum sacerularium latum erat; incredibile est reges, qui talem irritationem solli-

citaverant, illam non approbasse; 4º tota disciplina concilii Tridentini auctoritate episcoporum recepta est apud nos, in iis quæ juribus regis et consuetudinibus regni non adversantur, tum in comitiis generalibus cleri, anni 1614, 1615 et 1625, tum in conciliis provincialibus; 5º in cunctis Ritualibus decretum hujus concilii exponitur aut supponitur tanquam lex ecclesiastica plenum effectum quotidie obtinens: porro vis ejus a lege civili non pendet: ergo.

In ecclesiis recenter formatis, apud schismaticos, hæreticos aut infideles, decretum concilii Tridentini, circa matrimonia clandestina, cum aliis punctis doctrinæ christianæ et disciplinæ ecclesiastice simul promulgatur, et statim vim suam habet.

ARTICULUS QUARTUS.
DE OBLIGATIONE DECRETI CONCILII TRIDENTINI POST EJUS PROMULGATIONEM.

Decretum istud est lex ecclesiastica simul localis et personalis: quatenus localis, affectat territorium, et eos sit omnes qui in eo habent domicilium juris aut facti ad sensum infra explicandum, obligat. Unde Angli, v. g., in Gallia contrahentes, eam servare tenentur si domicilium juris aut facti acquisierint.

Quatenus vero personalis, eos obligat qui domicilium in loco ubi promulgata est habentes, in extraneo loco ubi domicilium non habent, contrahere vellent. Hinc Galli per Angliam transeuntes, matrimonium clandestinum inire non possent. Sic habet declaratio S. Cong. Concil. ab Urbano VIII confirmata, anno 1627.

Si vero Gallus cum Angla jungendus esset, valeret matrimonium clandestine celebratum, quia Angla legé Trident. non tenetur, et privilegium suum Gallo communicat, propter individuitatem contractus. Ita *Benedictus XIV*, de Synodo diocesana, lib. 6, c. 6, n. 12, et 17.

Clemens XIII, anno 1767, in responso ad archiepiscopum Mechlin.

Incolæ tam masculi quam feminæ, e loco ubi lex Tridentina viget in alium ubi non viget transeuntes, eo animo ut matrimonium sine parocho et testibus contrahant, valide contrahunt, modo domicilium aut quasi-domicilium, ut mox explicabitur, ibi acquirant. Sic *Bened. XIV*, Inst. 33, n. 9, citans declarationem S. Cong. ab Urbano VIII, anno 1627, confirmatam.

Plures adhuc exstant difficultates circa eos qui nec ad parochum nec ad sacerdotem ab eo aut ab Ordinario delegatum recurrere possunt, et circa hæreticos : hinc duplex paragraphus.

§ I. — De obligatione decreti concilii Tridentini respectu eorum qui nec ad parochum nec ad sacerdotem ab eo vel ab Ordinario delegatum recurrere possunt.

Tam stricto sensu accipienda est lex Tridentina, ut ignorantia invincibilis aut quælibet necessitas, v. g., legitimandi prolem in articulo mortis, ab illius effectu non eximat, juxta omnes, et summi Pontifices ab illa non dispensant, quamvis ab aliis impedimentis canonice frequenter dispensare soleant.

Attamen, cum matrimonium in societate sit necessarium, ubi recursus ad parochum vel ad sacerdotem ab eo vel ab Ordinario delegatum, moraliter impossibilis est, lex illa obligare non debet; alioquin non in bonum ordinem, sed in detrimentum privatorum et ruinam societatis vergeret. Ingens quippe datur discrimin inter hanc irritationem et alia matrimonii impedimenta; qui enim impedimentis detinentur, alias personas sibi non consanguineas nec affines, etc., invenire possunt: qui autem liberum non habent recursum ad parochum, nullo modo nubere possent, si lex stricte eos obligaret. Sic pluries S. Cong. Concil. declaravit, ut refert *Bened. XIV*, de Synodo diœces., lib. 12, c. 75, n. 5, et *Pius VI*, vel potius, nomine ejus, card. *Zelada* in epi-

stola ad episcopum Lucionensem, diei 28 maii 1793, hæc habet: « Quoniam complures ex istis fidibus non possunt omnino parochum legitimum habere, istorum profecto conjugia, contracta coram testibus et sine paroche præsentia, si nihil aliud obstet, et valida et licita erunt, ut sæpe sæpius declaratum fuit a sacra Congregatione concilii Tridentini interprete. »

Episcopus Lucionensis exposuerat recursum ad parochum in sua diœcesi esse impossibilem, Pontifex ad quæsumum præcise respondit.

Episcopus Genevensis notaverat recursum sæpe impossibilem vel periculosissimum ac difficillimum esse: idem Pontifex respondit, in brevi diei 5 octobris 1793, matrimonia etiam in eo casu esse valida, « eum contrahentes ad parochum aut superiorem legitimum nullatenus aut non nisi difficillime seu periculosissime recurrere possint. »

In decisione data Romæ, die 17 decembris 1793, a Joseph Vaser, S. Cong. Indicis consultore, affirmatur prædicta matrimonia, coram testibus tantum celebrata, esse valida, si recursus ad parochum vel ad legitime delegatum non sit tutus. (*Recueil des décisions du Saint-Siège Apostolique*, t. III, p. 341.)

Cardinalis Antonelli, in celebri colloquio cum D. de Cambis, die 14 octobris 1793, Romæ habito, et in eadem collectione relato, p. 335, constanter affirmavit matrimonia, tempore perturbationis Gallicanæ, sine præsentia paroche aut sacerdotis legitime delegati contracta, præsumenda esse valida; quod enim basis illius est et ad jus naturæ spectat, inquietat, nempe mutuus consensus, in his matrimoniis reperitur: formalitates autem a Concil. Trid. præscriptæ sunt tantum institutionis positivæ, et non semper obligant: in dubio tutius est ergo habere consensum ut validum, quam illum, propter formas non obligantes, labefactare: unde concludebat nemini licere vel unum verbum de renovando consensu proferre, nisi constaret de invaliditate matrimonii.

Hinc cuncta matrimonia eo tempore coram sacerdote

schismatico nullum habente titulum ante schisma existentem vel coram magistratu civili celebrata, reputanda sunt valida, si, ex declaratione partium vel ex circumstantiis, prudenter judicetur recursus ad parochum aut ad legitime delegatum non fuisse tutum ac facilem. In dubio autem de possibilitate accessus, ad validitatem potius inclinandum est quam ad nullitatem.

Notandum episcopos, saltem in plerisque diocesibus, delegasse omnes sacerdotes catholicos ad benedicenda quæcumque matrimonia fidelium, servatis aliunde servandis relative ad impedimenta et consensum.

Queritur an illa matrimonia fuerint licita.

R. 1º. Coram sacerdote schismatico ea benedicente celebrata, graviter erant illicita, quia tunc fiebat participatio in divinis cum illo, quod naturalibus et ecclesiasticis legibus stricte prohibitum est.

R. 2º. Si hæc matrimonia coram magistratu et testibus duntaxat contraherentur, ad obtinendos effectus civiles, etiamsi sacerdos schismaticus functiones magistratus exercisset, erant licita, quia tunc actus solummodo civilis perficiebatur. Ita declaraverunt S. Cong. sancti Officii, diei 20 nov. 1672, pro ministro heterodoxo; *Benedictus XIV*, Const. 39, n. 10 (Bull. t. 1), pro ministro Mahumetis, et *Pius VI*, in responso ad episcopum Lucionensem *Quarto*, pro magistratu civili in Gallia, tempore schismatis. Prescribebat sanctus Pontifex ut matrimonium coram testibus catholicis prius iniretur, deinde declaratio coram *municipalitate* fieret, sine ulla intentione matrimonium contrahendi, sed acutum mere civilem exercendi.

Curare debebant fideles matrimonia coram testibus ineundo, ut reverenter hunc actum tanquam religiosum et probabiliter sacramentum exercent, juxta opinionem eorum qui sponsos habent ut sacramenti ministros.

Hæc principia applicanda sunt matrimoniis catholicorum in India, in imperio Sinensium, etc., qui ad missionarium catholicum recurrere non possunt. *Coll. Paris.*, t. III.

§ II. — De obligatione decreti concilii Tridentini respectu hæreticorum.

Constat, ex dictis, concilium irritare noluisse matrimonia hæreticorum eo tempore per ecclesias separatas distinctorum, et apud quos decretum non fuit promulgatum. Quæstio est igitur 1º de iis qui obtinuerunt regiones in quibus antea decretum concilii vim habuerat, vel ecclesias separatas constituerunt; 2º de iis qui inter catholicos manent dispersi.

1º Prima difficultas nata est circa matrimonia hæreticorum Hollandiæ, in qua decretum Conc. Trid. jussu Philippi II promulgatum fuerat, et ubi paulo post religio Calviniana principatum obtinuit.

Gravis exorta est controversia super validitatè hujusmodi matrimoniiorum, et testatur *Benedictus XIV*, de Synodo dioeces., lib. 6, cap. 1, n. 4, in tribunalibus curiæ Romanæ, ac in SS. Congregationibus cardinalium plurimum arrisisse opinionem quæ pro nullitate illorum militabat. Verum illustris Pontifex declarat se huic opinioni nunquam acquiescisse, et ad cathedram B. Petri evectus, celebrem edidit declarationem, die 4 nov. 1741, in qua statuit 1º matrimonia inita vel ineunda in locis Hollandiæ et Belgii foederatorum Ordinum dominio subjectis, inter duos conjuges hæreticos, sine catholici parochi præsentia, esse valida: 2º valida similiter esse, propter individuatatem contractus, matrimonia inter duas partes, quarum una est catholica et altera hæretica. Nihil novi statuit circa matrimonium catholicorum interesse: ea igitur coram parocho aut legitime delegato celebranda sunt, ut ipse docet, de Synod. dioeces. I. 6, cap. 6, n. 13.

Præfata declaratio haberi non potest ut legis Tridentinæ dispensatio, siquidem Pontifex decernit matrimonia jam contracta sine præsentia parochi esse valida: est ergo decisio doctrinalis, quæ supponit vel mentem concilii Tridentini non fuisse obligandi hæreticos sociates completas efformantes, vel, quod fere in idem re-

cidit, decretum, licet publicatum apud catholicos ante separationem, non esse sufficienter promulgatum relative ad societas hæreticorum postea formatas. Pontifex non exhibuit motiva quibus fuit determinatus.

Ista autem Pontificalis declaratio ad solas respicit federatas provincias, testibus *Collet, Billuart et Pio VII*, in responso ad vicarios generales Pictavienses, die 29 augusti 1818, apud D. *Pagès*, 3^a edit., p. 195.

Quoad hæreticos, qui post decreti Concil. Trid. promulgationem, ecclesias distinctas inter catholicos habere incœperunt, duæ sunt theologorum opiniones; alii enim dicunt illorum matrimonia esse valida, et his rationibus præcipue nituntur: 1^o ubi sunt parochiæ hæreticorum apud catholicos, duæ sunt societas distinctæ: decretum Concil. Trid. apud unam promulgatum est, et apud alteram non censetur promulgatum. 2^o Cum prædictum Concilii decretum de hæreticorum societatibus, tum existentibus, tum futuris, nihil dicat, mens ejus quærenda est: porro, teste *Pallavicino*, l. 22, cap. 8, n. 10, mens concilii fuit matrimonia hæreticorum non irritandi. Tot autem sunt rationes pro validitate matrimoniorum inter hæreticos recenter exortos contractorum, quot pro validitate matrimoniorum inter hæreticos tempore concilii existentes. 3^o Ex duabus sententiis oppositis, ea amplectenda est quæ religioni et animarum saluti magis favet; at opinio quæ tenet matrimonia hæreticorum esse valida, etc., multo minus eos a communione catholicæ removet, cum doceat conjugem non esse deserendum, nec consensum coram parocho renovandum, nec proli statum periclitaturum. 4^o Hæretici ad fidem catholicam conversi non inquietantur circa matrimonia in hæresi contracta, ita saltem multi sentiunt. 5^o Rationes ob quas *Benedictus XIV* declaravit, matrimonia hæreticorum in provinciis Hollandiæ et Belgii fœderatis esse valida, pro matrimonii aliorum hæreticorum eamdem vim habent: ergo. Ita multi theologi Germani, et inter Gallos P. *Antoine*, t. VI, qui dicit matrimonia hæreticorum valere ex tacita Pape dispensatione et usu Ecclesiæ.

Alii vero theologi contrariam opinionem tenent; nam, inquiunt, 1^o ubi lex Tridentina fuit publicata, cunctos ex se obligat Christianos, et absurdum est hæreticos per rebellionem suam ab illa liberari, aut ab Ecclesia dispensari. 2^o Communiter docetur hæreticos valide conjungi non posse cum impedimentis canonici dirimenti bus, v. g., in gradu consanguinitatis prohibito: ergo a pari, etc. 3^o In nonnullis Germaniae diœcesibus, v. g., Frisegensi, testante *Collet*, t. XIV, matrimonia hæreticorum ad fidem catholicam redeuntium iterantur. Ergo.

Quænam ex duabus his opinionibus probabilior sit, non satis liquet ut pronuntiare audeamus: ad priorem magis inclinaremur; sed quoniam limites probabilitatis non excedit, semper dicemus cum *Collet*, contra *Tournely*, t. XIV, posteriorem sequendam esse in praxi, ac proinde sponsos coram ministro hæretico conjugatos consensum renovare teneri in forma a concilio Tridentino determinata, nisi tempore matrimonii recursus ad parochum aut ad legitime delegatum non fuerit tutus et facilis; nam in eo casu matrimonia catholicorum sunt valida: ergo et matrimonia hæreticorum, quia repugnat legem eos magis obligare quam catholicos.

Si autem uno conjugi ad fidem catholicam redeunte, alter maneat in hæresi et renovationi consensus coram parocho ac testibus acquiescere nolit, arbitramur, salvo meliori iudicio, catholicum non esse inquietandum, propter rationes superius, p. 393, expositas, ex colloquio card. *Antonelli* cum D. *de Cambis* de promptas: attamen in gravissimo hujusmodi casu consulendum esset episcopus.

2^o Quoad hæreticos inter catholicos, ubi decretum concilii Tridentini fuit promulgatum, dispersos et ecclesias separatas non efformantes, ut nunc in Italia, in Hispania, ut in Gallia post revocationem edicti Nannetensis, videtur eorum matrimonia esse nulla si non celebrentur coram parocho aut sacerdote delegato: eo ipso enim quod societas separatas non constituant, quo principio affirmari posset eos lege Tridentina ibi generalem effectum obtinente non ligari? Ergo.

Quæritur 1º specialiter quid sentiendum sit de matrimoniis Protestantium in Gallia.

R. Ante revocationem edicti Nannetensis, an. 1685, hæc matrimonia judicabantur valida, et *Coll. Paris.*, t. 1, asserit ea post conversionem conjugum nunquam iterata fuisse. Post revocationem edicti Nannetensis, auctoritas civilis præscripsit sub pœna nullitatis ut matrimonia hæreticorum sicut et catholicorum coram parocho et testibus celebrarentur: parochi autem ab eis exigebant abjurationem hæresis quam per ritus publicos amplius profiteri non poterant. Matrimonia igitur hoc tempore a protestantibus celebrata aliter quam præsente parocho et testibus, erant nulla in foro civili et probabilissime in foro ecclesiastico, ob rationem superius expositam ubi de matrimoniis hæreticorum inter catholicos disper- sorum, et societas completas non habentes.

Verum Ludovicus XVI, per edictum diei 24 novem-
bris 1787, statum civilem eis reddidit, atque decrevit eorum matrimonia coram parocho vel coram magistratu celebranda esse. Episcopi judicarunt parochos talibus matrimoniis assistere non posse, quia cum hæreticis participassent in divinis, et ritum sacramentalem profanassent, illum hæreticis scienter applicando; sicque hæc matrimonia facta sunt coram magistratu et coram mi- nistro heterodoxo. Idecirco sequenda sunt principia quæ tradidimus circa matrimonia hæreticorum ecclesias se paratas inter catholicos habentium. Probabilius est ergo illorum matrimonia esse valida, sed non ita certum ut partes consensum renovare non debeat, nisi forte una sit recte disposita et altera reverti aut consentire nolit. Consulendus est episcopus.

Ex ratione a *Bened. XIV* data et superius relata, hæ- reticam partem suum communicare privilegium parti catholicæ, propter individuitatem actus, sequitur prin- cipium hic a nobis expositum applicandum esse matri- monio catholici cum hæretica ad societatem separatam pertinente, aut vice versa.

Item si hæreticus cum catholica jungendus sit, aut

vice versa, ritus sequendus ab episcopo petendus est, si in Litteris Apostolicis dispensationis non exprimatur.

Quæritur 2º an matrimonia inter sectatores vulgo *de la petite-église* sint valida.

R. Nullus est dubiandi locus quin sint illicita et si- mul invalida, sive coram eorum sacerdotibus fuerint celebra, sive non; nulla enim est ratio hos sectatores a lege Tridentina, quam ipsi agnoscunt, eximendi: porro illam evidenter non servant: ergo.

ARTICULUS QUINTUS.

DE PRÆSENTIA PAROCHI.

Investigandum est quis parochus matrimonio assistere debeat, quæ necessariæ sint ejus qualitates et qualis præsentia ipsius esse oporteat.

§ I. — Quis parochus matrimonio assistere debeat.

Concilium Tridentinum assignat, in eodem decreto, proprium contrahentium parochum ad faciendas banno- rum proclamationes, et deinde nominat simpliciter pa- rochum qui matrimonio assistere debeat: at evidens est non intelligendum esse parochum in genere, bene vero proprium parochum qui banna denuntiare debet.

Omnis autem fatentur concilium non locutum esse de parocho originis, id est, loci in quo partes ortum habue- runt, sed de parocho domicili, quamvis id propriis verbis non exprimat. Sciendum est ergo quid et quo- plex sit domicilium in ordine ad matrimonium.

Domicilium idem sonat ac habitatio: aliud est perpe- tum et aliud temporale, quod etiam dicitur quasi-do- micilium.

Domicilium dicitur perpetuum, vel simpliciter *domi- cilium*, quando nulla est in mente intentio alium habi- tandi locum. Est autem temporale, seu *quasi-domicilium*, cum quis in uno loco versatur cum intentione ibi ma-

nendi, non quidem perpetuo, sed per notabile tempus, saltem per dimidiā aut majorem partem anni. Simplex habitatio a quasi-domicilio differt in eo quod quis non habet intentionem ibi per notabile tempus habitandi, ut infra explicabitur.

Sicut autem ad constituendum domicilium duae requiruntur conditions, scilicet intentio et factum habitatio-nis, sic et ad tollendum domicilium.

Qui in duabus parochiis æqualem aut fere æqualem habet summam negotiorum, habitans, v. g., hieme in una, æstate in altera, duo habet domicilia.

Qui summam negotiorum habet tantum in una paro-chia et residet in altera cum animo manendi per notabile tempus, per dimidiā aut majorem anni partem, habet domicilium in priori parochia et quasi-domicilium in posteriore. Qui se transfert rus recreationis aut rusticationis tantum causa, nec domicilium nec quasi-domicilium ibi acquirit. *Bened. XIV, Inst. 33, n. 7.*

His notatis,

1º Certum est parochum domicilii simpliciter dicti, jure communi, proprium esse parochum quoad matrimonium : concilium enim Tridentinum nullum determinatum exigit tempus : ergo statim ac contrahentes sunt in uno loco cum animo manendi, pertinent ad parochum hujus loci. Proprius quippe parochus, cuius præsentia exigitur ad matrimonium, ille est qui a concilio Lateranensi vocatur proprius sacerdos, apud quem confessio annualis facienda est, a quo suscipienda est sacra Eucharistia in Paschate, qui arcere potest ab ingressu ecclesiæ et privare sepultura ecclesiastica : porro hi characteres evidenter designant parochum domicilii actualis et simpliciter dicti. Ita *Coll. Andeg.*, *S. Ligorius* inumeros alios citans, *Benedictus XIV*, etc.

2º Qui duo habet domicilia proprie dicta, duos habet proprios parochos : coram alterutro contrahere potest, ad nutum juxta multos, et, secundum alios, contrahere debet coram eo in cuius parochia tunc demoratur. Prior sententia videtur probabilior ; posterior est tutor et se-

quenda est in praxi. Vide *Bened. XIV, Inst. 33, n. 6.*

3º Matrimonium potest etiam jure communi celebrari coram parocho quasi-domicilii supra expositi, ita tamen ut remaneat facultas illud contrahendi in loco ubi verum servatur domicilium. Sic expresse docet *Bened. XIV*, in Inst. 33, et in Const. *Paucis abhinc hebdomadis*, diei 19 maii 1748, decisiones S. Cong. Concil. citans.

Difficultas est tantummodo an quasi-domicilium censatur sufficiens ad contrahendum matrimonium, statim ac incepta est habitatio cum intentione ibi per majorem anni partem manendi. Non pauci volunt habitationem saltem unius mensis, et ita supponit *Bened. XIV*, defini-tiones S. Cong. Concil. referens in citata Const. Forte hoc spatium determinatur, quia secus dubium moveri posset de intentione ibi per tempus ad acquirendum quasi-domicilium commorandi. Verum, supposito quod revera existat intentio ibi per majorem anni partem commorandi et haec intentio exterius sufficienter demon-stretur, non videtur cur matrimonium ibi statim cele-brari non posset, sicut post unum mensem. Statim cele-brari potest ubi incepsum est domicilium simpliciter dic-tum : quare non posset etiam statim ubi incepsum est quasi domicilium ? Ratio disparitatis nobis non appetat.

Qæ diximus de domicilio et quasi-domicilio relative ad matrimonium, applicari possunt eis qui domicilium mutant, vel quasi-domicilium serio acquirere volunt præcise ut se parocho actuali subtrahant : ubi enim aliud domicilium aut quasi-domicilium reipsa constituerunt, quocumque ducti fuerint motivo, jam novum habent proprium parochum : coram eo contrahentes, utuntur jure suo. Sic *Bened. XIV*, in præfata Const. citans *Fagnan* et S. Cong. Concil. decisiones.

4º Simplex habitatio in uno loco, recreationis aut ne-gotiorum causa, vel ob alia motiva, sine formalí intentione ibi per majorem anni partem commorandi, non sufficit ut matrimonium ibi legitime contrahatur, quia tunc lex Tridentina evaderet fere vana. At si quis ibi per sex menses continuos mansisset, possetne matrimo-